

**საქართველოს შინაგან საქმეთა სამინისტროს პროგრამების
2021 წლის 6 თვის ანგარიში**

საქართველოს შინაგან საქმეთა სამინისტრო - 30 00

(საბიუჯეტო ორგანიზაციის დასახელება, პროგრამული კოდი)

სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: თავდაცვა, საზოგადოებრივი წესრიგი და უსაფრთხოება

1.1 პროგრამის დასახელება და პროგრამული კოდი: საზოგადოებრივი წესრიგი და საერთაშორისო თანამშრომლობის განვითარება/გაღრმავება - (30 01)

პროგრამის განმახორციელებელი: საქართველოს შინაგან საქმეთა სამინისტროს ორგანოები

| ათას ლარებში | | | | | | |
|-----------------|---|--|---|--------------------------------------|---|---|
| პროგრამული კოდი | დასახელება | წლიური სახელმწიფო ბიუჯეტით დამტკიცებული მოცულობა | წლიური სახელმწიფო ბიუჯეტის დაზუსტებული მოცულობა | საანგარიშო პერიოდის საკასო შესრულება | საკასო შესრულების % წლიური დაზუსტებულ გეგმასთან მიმართებაში | საკუთარი სახსრებიდან მიმართული თანხები (ასეთის არსებობის შემთხვევაში) |
| 30 01 | <u>საზოგადოებრივი წესრიგი და საერთაშორისო თანამშრომლობის განვითარება/გაღრმავება</u> | 584 899.0 | 579 217.6 | 273 783.4 | 47.27% | |

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

- საქართველოს შინაგან საქმეთა სამინისტროს მიგრაციის დეპარტამენტის პირველ სართულზე მოეწყო ექიმების სამანიპულაციო ოთახი და ადმინისტრაციული შენობის ეზოში ორი სასეირნო სივრცე მსუბუქი გადახურვით;
- განხორციელდა საქართველოს შინაგან საქმეთა სამინისტროს მიგრაციის დეპარტამენტის დროებითი განთავსების ცენტრის და მიმღები ცენტრის სხვადასხვა დასახელების მედიკამენტებით უზრუნველყოფა;
- დროებითი განთავსების ცენტრში მოთავსებულ 2 უცხოელს სხვადასხვა სამედიცინო დაწესებულებაში გაეწია სამედიცინო მომსახურება.
- თავშესაფრის მაძიებელთა მიმღებ ცენტრში (გარდაბნი, სოფ. მარტყოფი) განხორციელდა ქსელის განახლება, დამონტაჟდა 3 სერვერი და 27 ცალი ვიდეოსამეთვალყურეო კამერა.
- დროებითი განთავსების ცენტრში მოეწყო ახალი საკარანტინე სივრცე;
- საანგარიშო პერიოდში საქართველოს შინაგან საქმეთა სამინისტროს ქ. თბილისის პოლიციის დეპარტამენტში დანიშნული მართლწესრიგის ოფიცრების საერთო რაოდენობამ შეადგინა 279 (მათ შორის 212 მართლწესრიგის ოფიცერი და 67 მართლწესრიგის უფროსი ოფიცერი), თანამდებობაზე დაინიშნა 24 მართლწესრიგის ოფიცერი.

• პოლიციელთა საბაზისო მომზადების სპეციალური პროფესიული საგანმანათლებლო პროგრამის 4-მა მართლწესრიგის ოფიცერმა გაიარა და წარმატებით დაასრულა სწავლება შსს აკადემიაში, ჩაირიცხა და სწავლას აგრძელებს 22 მართლწესრიგის ოფიცერი.

დანაშაულის წინააღმდეგ ბრძოლის სფეროში საერთაშორისო თანამშრომლობის გაღრმავების კუთხით საანგარიშო პერიოდში განხორციელდა შემდეგი აქტივობები:

• გაიმართა ვიდუო კონფერენცია საქართველოს შინაგან საქმეთა მინისტრსა და ევროპის სასაზღვრო და სანაპირო დაცვის სააგენტოს (Frontex) აღმასრულებელ დირექტორს შორის. ვიდუო კონფერენციაში ასევე მონაწილეობდნენ ევროკომისიის მიგრაციისა და საშინაო საკითხების გენერალური დირექტორატის (DG HOME) ხელმძღვანელი, ევროკომისიის სამეზობლო პოლიტიკისა და გაფართოებაზე მოლაპარაკებების გენერალური დირექტორატის (DG NEAR) ხელმძღვანელის მოვალეობის შემსრულებელი და საქართველოში ევროკავშირის ელჩი;

• შედგა გაცნობითი ხასიათის შეხვედრები საქართველოს შინაგან საქმეთა მინისტრს, ირანის ისლამური რესპუბლიკისა და იაპონიის ელჩებს, ასევე თურქეთისა და ბელარუსის რესპუბლიკების ელჩებს შორის;

• სამომავლო თანამშრომლობის საკითხების განხილვის მიზნით მოეწყო საქართველოსა და უზბეკეთის რესპუბლიკის საქართველოს შინაგან საქმეთა სამინისტროების საერთაშორისო თანამშრომლობაზე პასუხისმგებელი დანაყოფების შეხვედრა ვიდუო კონფერენციის მეშვეობით;

• შედგა გაცნობითი ხასიათის შეხვედრა საქართველოს შინაგან საქმეთა მინისტრსა და ავსტრიის რესპუბლიკის ელჩს შორის;

• გაიმართა ვიდუო კონფერენცია არაბთა გაერთიანებული საემიროებისა და საქართველოს შინაგან საქმეთა სამინისტროს სხვადასხვა დანაყოფის წარმომადგენლებს შორის, სადაც განხილულ იქნა ბავშვთა დაცვა, დრონების გამოყენება და სახის ამომცნობი სისტემები, საგზაო მოძრაობის ტექნოლოგიური გადაწყვეტები, მოწყობილობები და რადარები;

• შედგა საქართველოს შინაგან საქმეთა მინისტრის შეხვედრა აზერბაიჯანის რესპუბლიკის ელჩთან;

• ორგანიზებული დანაშაულის საკითხებზე საფრანგეთის ჟანდარმერიისთვის და ეროვნული პოლიციისთვის დახმარების გაწევის მიზნით მივლენილ იქნა საქართველოს შინაგან საქმეთა სამინისტროს 2 თანამშრომელი საფრანგეთის რესპუბლიკაში 6 თვის ვადით;

• გაიმართა ვიდუოკონფერენცია ჩეხეთის იუსტიციის სამინისტროსა და საქართველოში კიბერდანაშაულის სფეროში მომუშავე უწყებების წარმომადგენელთა შორის;

• შედგა შინაგან საქმეთა მინისტრის შეხვედრა ჩეხეთის რესპუბლიკის უსაფრთხოების ძალების გენერალური ინსპექტორატის უფროსთან, უწყებებს შორის ურთიერთგაგების მემორანდუმის ხელმოწერის მიზნით;

• გაიმართა აშშ საელჩოს სამხედრო ძალების უსაფრთხოების განყოფილების ხელმძღვანელის შეხვედრა შინაგან საქმეთა მინისტრის მოადგილეებთან, ამერიკელი სამხედროების ყოველწლიურ მრავალეროვნულ სწავლებებთან, უსაფრთხოებისა და სხვა საკითხებთან დაკავშირებით;

• შედგა შინაგან საქმეთა მინისტრის შეხვედრა პოლონეთის ეროვნული პოლიციის მთავარი კომენდანტის მოადგილესთან და პოლონეთის ელჩთან, ასევე გაერთიანებული სამეფოს ელჩთან და EUMM-ის მისიის ხელმძღვანელთან.

საანგარიშო პერიოდში განხორციელდა:

- სამინისტრო აქტიურად იყო ჩართული „საქართველოში ახალი კორონავირუსის გავრცელების აღკვეთის მიზნით გასატარებელი ღონისძიებების დამტკიცების შესახებ“ საქართველოს მთავრობის 2020 წლის 23 მარტის №181 დადგენილებით ასევე სხვა სამართლებრივი აქტებით დადგენილი შეზღუდვების აღსრულების პროცესში;

- ახალი კორონავირუსთან ბრძოლის ღონისძიებების ფარგლებში საქართველოს შინაგან საქმეთა სამინისტროს საექსპერტო - კრიმინალისტიკური დეპარტამენტის მიერ განხორციელდა შესაბამისი სადუხინფექციო ხსნარების დამზადება სამინისტროს სისტემის მოსამსახურეებისთვის, რისთვისაც შეძენილ იქნა ეთანოლის სპირტი, 50% წყალბადის ზეჟანგი, გლიცერინი და გამოხდილი წყალი.

- საქართველოს შინაგან საქმეთა სამინისტროს საექსპერტო-კრიმინალისტიკურმა დეპარტამენტმა წარმატებით გაიარა აკრედიტაციის ყოველწლიური შეფასება და შეინარჩუნა ექსპერტიზის ლაბორატორიების აკრედიტაცია საერთაშორისო სტანდარტის ISO17025:2017-ის მიხედვით. კერძოდ, აკრედიტაცია შეინარჩუნა - 6 ლაბორატორიამ, კერძოდ:

- ქ. თბილისის დაქტილოსკოპიური ექსპერტიზის ლაბორატორიამ;
- ქ. თბილისის ჰაბიტოსკოპიური ექსპერტიზის ლაბორატორიამ;
- ქ. თბილისის დოკუმენტების ტექნიკური და გრაფიკული ექსპერტიზის ლაბორატორიამ;
- გორის დაქტილოსკოპიური ექსპერტიზის ლაბორატორიამ;
- ახალციხის დაქტილოსკოპიური ექსპერტიზის ლაბორატორიამ;
- ქ. ბათუმის დაქტილოსკოპიური ექსპერტიზის ლაბორატორიამ.

საანგარიშო პერიოდში დაიწყო, მიმდინარეობდა და რიგ შემთხვევებში დასრულდა სხვადასხვა კაპიტალური პროექტები:

- მიმდინარეობდა ქ. თბილისში, ქიზიყის ქ. №1-ში მდებარე შენობის №23/2 სარემონტო და შენობაზე საქვაბე ნაგებობის მიშენების სამუშაოები;

- მიმდინარეობდა ახმეტის რაიონის სოფელ ომალოში მდებარე, საქართველოს შინაგან საქმეთა სამინისტროს სარგებლობაში არსებულ მიწის ნაკვეთზე სამინისტროს ადმინისტრაციული შენობის სამშენებლო სამუშაოები;

- საანგარიშო პერიოდში დაიწყო და მიმდინარეობდა ქ. თბილისში, გულუას ქ. №10-ში მდებარე, შინაგან საქმეთა სამინისტროს ადმინისტრაციული შენობა №01(10)-ის სარემონტო სამუშაოები

- საანგარიშო პერიოდში დაიწყო და მიმდინარეობდა ქ. თბილისში, ქიზიყის ქ. №1-ში მდებარე შინაგან საქმეთა სამინისტროს განსაკუთრებულ დავალებათა დეპარტამენტის III სამმართველოს ტერიტორიაზე არსებული ადმინისტრაციული შენობის სარემონტო სამუშაოები;

- მიმდინარეობდა ახალციხის მუნიციპალიტეტში, სოფელ ვაჩიანში მდებარე მიწის ნაკვეთზე შინაგან საქმეთა სამინისტროს ადმინისტრაციული შენობის მშენებლობის დასრულების სამუშაოები;

- საანგარიშო პერიოდში დაიწყო და მიმდინარეობდა ქ. თბილისში, გახოკიძის ქუჩა №16-ში მდებარე შინაგან საქმეთა სამინისტროს მიგრაციის დეპარტამენტის ადმინისტრაციული შენობის სარემონტო სამუშაოები და ქ. თბილისში, მაისურამის ქ. №3-ში მდებარე, შინაგან საქმეთა სამინისტროს საექსპერტო-კრიმინალისტიკური დეპარტამენტის კინოლოგიის სამსახურის

ტერიტორიაზე შესასვლელი ცენტრალური გორგოლაჭიანი ჭიშკრის გაღება-დაკეტვის მექანიზმის მოწყობის სამუშაოები;

- საანგარიშო პერიოდში დაიწყო და მიმდინარეობდა გარდაბანში, სოფელ კრწანისში მდებარე მიწის ნაკვეთზე შინაგან საქმეთა სამინისტროს დანაყოფებისთვის: ყაზარმის, სასადილოს, სპორტდარბაზის, გამშვები პუნქტის, ავტოფარდულის, სამი ცალ-ცალკე მდგომი სველი წერტილის შენობისა და საქვების სამშენებლო სამუშაოები;

- საანგარიშო პერიოდში დაიწყო და მიმდინარეობდა საქართველოს შინაგან საქმეთა სამინისტროს მიგრაციის დეპარტამენტის ადმინისტრაციული შენობის (თბილისი, გახოკიძის ქ. №16) გარე ფასადის სამღებრო-სარემონტო სამუშაოები;

- საანგარიშო პერიოდში დაიწყო და დასრულდა სოფელ მარტყოფში მდებარე მიწის ნაკვეთზე შინაგან საქმეთა სამინისტროს მიგრაციის დეპარტამენტის შენობის სარემონტო და სახურავის შეცვლის სამუშაოები;

- საანგარიშო პერიოდში დაიწყო და დასრულდა ქ. თბილისში, გახოკიძის ქუჩა №16-ში მდებარე შინაგან საქმეთა სამინისტროს მიგრაციის დეპარტამენტის ადმინისტრაციული შენობის პირველ სართულზე სარემონტო-სარეკონსტრუქციო სამუშაოები;

- საანგარიშო პერიოდში დაიწყო და დასრულდა ქ. თბილისში, გულუას ქუჩა №10-ში მდებარე შინაგან საქმეთა სამინისტროს ადმინისტრაციული შენობის ცენტრალურ შესასვლელში ალუმინის ვიტრაჟის ნაწრობი მინის ავტომატური გამღები მექანიზმის კართით მოწყობის სამუშაოები და იატაკის მარმარილოს ფილების სარეაბილიტაციო სამუშაოები;

- დასრულდა გორში, მშვიდობის გამზირზე მდებარე, შინაგან საქმეთა სამინისტროს სარგებლობაში არსებულ მიწის ნაკვეთზე ძაღლებისთვის ვოლიერების სამშენებლო სამუშაოები;

- დასრულდა ქ. თბილისში, გახოკიძის ქუჩა №16-ში მდებარე შინაგან საქმეთა სამინისტროს მიგრაციის დეპარტამენტის ტერიტორიაზე, მიგრანტთა სასაქონლო მოწყობის სამუშაოები;

- დასრულდა საგარეჯოს მუნიციპალიტეტის სოფელ უდაბნოში, დავით გარეჯის სამონასტრო კომპლექსის მიმდებარე ტერიტორიაზე სახელმწიფო სასაზღვრო ზოლთან, შინაგან საქმეთა სამინისტროს სახელმწიფო საქვეუწყებო დაწესებულება-საქართველოს სასაზღვრო პოლიციისთვის, სახმელეთო სასაზღვრო სექტორის სამშენებლო სამუშაოები.

- დასრულდა ქ. თბილისში, გულუას ქუჩა №6-ში მდებარე შინაგან საქმეთა სამინისტროს საექსპერტო-კრიმინალისტიკური დეპარტამენტის შენობის სარდაფის სართულზე, სასროლეთის (ტირი) მოწყობის სამუშაოები;

- დასრულდა ქ. თბილისში, გულუას ქუჩა №10-ში მდებარე შინაგან საქმეთა სამინისტროს ტერიტორიაზე განთავსებული დაცვის ჯიხურის დემონტაჟი და ახალი დაცვის ჯიხურის მოწოდების სამშენებლო სამუშაოები.

- დასრულდა ქ. თბილისში გულუას ქ. №8-ში მდებარე, შინაგან საქმეთა სამინისტროს ადმინისტრაციულ შენობაში სარემონტო და მიმდებარე ტერიტორიის კეთილმოწყობის სამუშაოები;

- დასრულდა გურჯაანში, ნონეშვილის გამზირი №6-ში მდებარე შინაგან საქმეთა სამინისტროს სარგებლობაში არსებულ მიწის ნაკვეთზე შინაგან საქმეთა სამინისტროს ადმინისტრაციული შენობის, დროებითი მოთავსების იზოლატორის შენობის, ძაღლების ვოლიერის შენობის, დამხმარე შენობა-ნაგებობის მშენებლობის და ტერიტორიის კეთილმოწყობის სამუშაოები;

- დასრულდა ახალი დროებითი მოთავსების იზოლატორის მშენებლობა გურჯაანში, სადაც ასევე მოეწყო სამედიცინო პუნქტი. აღნიშნული იზოლატორის ინფრასტრუქტურა არსებულ სტანდარტებთან სრულ შესაბამისობაში მოეწყო და აღიჭურვა ავეჯით და კომპიუტერული ტექნიკით.

- დასრულდა საჩხერეში, ივანე გომართელის ქუჩა №22-ში მდებარე, შინაგან საქმეთა სამინისტროს ადმინისტრაციული შენობების სარემონტო, ღია ფარდულის სამშენებლო და ტერიტორიის კეთილმოწყობის სამუშაოები და ქ. თბილისში, გულუას ქუჩა №10-ში მდებარე, შინაგან საქმეთა სამინისტროს ადმინისტრაციულ შენობაში ხის კარების სამონტაჟო სამუშაოები.

- დასრულდა ქ. თბილისში, ნოე რამიშვილის ქუჩა №38-ში მდებარე შინაგან საქმეთა სამინისტროს ტერიტორიაზე 300კვ.ტ სიმძლავრის მზის ელემენტების მოსაწყობად, ლითონის კონსტრუქციების მოწყობის სამშენებლო და სატრანსფორმატორო შენობაზე მზის ელემენტების მართვის აპარატურისთვის მიშენების სამუშაოები;